



KHAKOLO EA LITSIANE TSA BATHO BA NANG LE BOKOOA HO NTLAFATSA MAPHELO A BONA



Kea Le lumelisa Sechaba sa heso

Sechaba sa heso le tla hopola hore ka selemo sa 2008, Muso oa Lesotho o ile oa tekenela molao oa machaba a kopaneng oa tsireletso ea litekelo tsa batho ba nang le bokooa (UN Convention on the rights of persons with Disabilities -UNCRPD). Ke ka tekeno ena `muso oa Lesotho le mafapha ohle a amehang ho kenyeletsa boemeli ba mekhatlo ea batho ba nang le bokooa o entseng molao oa Lesotho oa ts'ireletso oa litokelo tsa batho ba nang le bokooa oa selemo sa 2021 (Persons with Disabilities Equity Act 2021).

Ka hara molao ona hona le litšiea tse kholo tse totobatsang ts'ereletso le tlhokomelo ea batho ba nang le bokooa. 'Me tse ling tsa litšiea tsena ke phano ea litsiane tsa batho ba nang le bokooa (The Disability Grant).

Phano ea litsiane tse na tsa batho ba nang le bokooa e itšetlehile holima likhaolo tse latelang tsa molao oa Persons with Disability Equity Act of 2021 (Section 44 to 49)

Sechaba sa heso kajeno ke hlaha mona fana ka tsebisong e akaretsang ho sechaba sa rona se tlokotsing e kholo sa batho banang le bokooa le Sechaba sa Basotho ka kakaretso ka ts'ebetso ea 'Musong ka Lekala la Ntsetso Pele ea Sechaba ho kenya ts'ebetsong phano ea Litsiane tsa batho banang le bokooa (The Disability Grant). 'Musong oa Lesotho o abile chelete e limilione tse leshome le makholo a mahlano a likete (M10, 500 000.00) ho kenya ts'ebetsong phano ea Litsiane tsa Batho banang Le bokooa

Ha joale lekala le mosebetsing o moholo oa ho atamela mafapha oohle ho fana ka thupelo le thuto hore naa phano ena ea litsiane e tla fanoa joang

Ke bonts'e hore Lekala le boitokisetsong ba ho hlaha ka pela Sechaba ka bohlanga ba lekala literekeng ka ts'ebetso ea ho fana ka litsiane tsa batho banang le bokooa. Mme Sechaba se tla etsoatsoa litsebisong e le ho fana ka tataisoa hore naa Lekala le tla sebetsa joang.

Phano ena ea litsiane tsa batho banang le bokooa e tla ipapisa le tlhatlhobo ea ngaka le liphuputso tsa bohloki ba motho ka Lekala la Ntsetso Pele ea Sechaba joalo ka ha ele tsebetso ea lekala ea nako eohle ea ho etsa liphuputso.

Ka hona ke se kopa tse'belisano 'moho, joalo kaha ke boletse, Lekala la heso le tla potoloha ho fana ka tlhaloso e pharaletseng ea Phano ea Litsiane ho Batho Banang le Bokooa.

KHOTOSO!

PULA!

NALA!

